



# SLUŽBENI GLASNIK OPĆINE VISOKO

GODINA LII

Visoko, PETAK 02. februar 2018. godine

BROJ 1

1.

Na osnovu člana 66. Zakona o građevinskom zemljištu Federacije BiH («Službene novine FBiH», broj: 25/03, 16/04 i 67/05), člana 40. Odluke o građevinskom zemljištu („Službeni glasnik općine Visoko“, broj: 12/17) i člana 22. Statuta općine Visoko („Službeni glasnik općine Visoko“, broj: 1/11 i 8/13), Općinsko vijeće Visoko, na 15. sjednici, održanoj 26.01.2018. godine, donijelo je

## ODLUKU o visini prosječne konačne građevinske cijene 1 m<sup>2</sup> korisne površine stambenog prostora na području općine Visoko za 2018. godinu

### Član 1.

Ovom odlukom određuje se visina prosječne konačne građevinske cijene 1 m<sup>2</sup> korisne površine stambenog prostora na području općine Visoko za 2018. godinu.

### Član 2.

Prosječna konačna građevinska cijena 1 m<sup>2</sup> korisne površine stambenog prostora na području općine Visoko iznosi 690,00 KM.

### Član 3.

Prosječna konačna građevinska cijena 1 m<sup>2</sup> korisne površine stambenog prostora, utvrđena u članu 2. ove odluke, služi kao osnov za obračun naknade za pogodnost korištenja, uređenje i korištenje gradskog građevinskog zemljišta i ostalog građevinskog zemljišta na području općine Visoko.

### Član 4.

Stupanjem na snagu ove odluke prestaje da važi Odluka o visini prosječne konačne građevinske cijene 1 m<sup>2</sup> korisne

površine stambenog prostora na području općine Visoko za 2017. godinu („Službeni glasnik općine Visoko“, broj: 1/17).

### Član 5.

Ova odluka stupa na snagu osmog dana od dana objavljivanja u „Službenom glasniku općine Visoko“.

Broj: 01/1-02-10/18  
26.01.2018. godine

PREDSJEDAVAJUĆI  
Općinskog vijeća Visoko  
Bajro Fejzić, prof, s.r.

2.

Na osnovu člana 15. stav 1. alineja 2. i 7. Zakona o principima lokalne samouprave („Službene novine FBiH“, broj 49/06 i 51/09), člana 33. stav 1. tačka 6. Statuta Općine Visoko („Službeni glasnik općine Visoko“, broj 1/11 i 8/13), Općinska načelnica Visoko donosi

## ODLUKU o izmjenama i dopunama Odluke o organizovanju Jedinственог опćинског органа управе Опćине Visoko

### Član 1.

U Odluci o organizovanju Jedinственог опćинског органа управе broj: 01/2-02-1954/16 od 30.12.2016.godine u član 4. stav 1. tačka 3 mijenja se i glasi:

- Služba za urbanizam, stambene, geodetske poslove, katastar nekretnina i javne nabavke

### Član 2.

Član 11. stav 1 mijenja se i glasi:

- Služba za urbanizam, stambene, geodetske poslove, katastar nekretnina i javne nabavke vrši poslove i zadatke putem Odsjeka za urbanizam,

**prostorno planiranje, stambene poslove, Odsjeka za imovinsko-pravne, geodetske poslove i katastar nekretnina i Odsjeka za javne nabavke**

**Član 3.**

Iza tačke 2 dodaje se tačka 3 koja glasi:

- **Odsjek za javne nabavke**
- prati, izvršava i obezbjeđuje izvršavanje zakona, drugih propisa i općih akata u oblastima javnih nabavki;
- sačinjava plan nabavke roba, usluga i radova u saradnji sa ostalim Službama općine Visoko;
- učestvuje u provođenju postupka predviđenim ZJN za potrebe Općine Visoko;
- vrši izradu tenderske dokumentacije;
- priprema odgovore po žalbi izjavljene na osnovu ZJN;
- vrši procjenu tržišta za provođenje javnih nabavki;
- učestvuje u pripremi zaključivanja okvirnih sporazuma i ugovora;
- vrši realizaciju ugovorenih sredstava i navedenih osiguranja u skladu sa važećim propisima;
- prati realizaciju ugovora i vršenje investicionog i kontrolnog nadzora nad realizacijom investicija;
- čuva do isteka ugovorenog garantnog roka tendersku dokumentaciju nakon čega je arhivira;
- vrši stručne i administrativne poslove iz nadležnosti Odsjeka;
- obavlja i druge poslove iz svoje nadležnosti kao i poslove po zadatku načelnika/načelnice;

**Član 4.**

Ova Odluka stupa na snagu danom donošenja i objavit će se u "Službenom glasniku općine Visoko".

Broj: 01/2-02-1924/17      **OPĆINSKA NAČELNICA  
VISOKO**  
28.12.2017. godine      mr. sci. Amra Babić, s.r.

---

**S A D R Ź A J**

**I - OPĆINSKO VIJEĆE**

1. Odluka o visini prosječne konačne građevinske cijene 1 m<sup>2</sup> korisne površine stambenog prostora na području općine Visoko za 2018. godinu ..... 1

**II - OPĆINSKA NAČELNICA**

2. Odluka o izmjenama i dopunama Odluke o organizovanju Jedinstvenog općinskog organa uprave Općine Visoko ..... 1

**Izdavač:** Općina Visoko, ul. Alije Izetbegovića br. 12A, Visoko

**Uređuje:** Muhamed Halilbegović, stručni saradnik

**Glavni i odgovorni urednik:** Zekija Omerbegović, sekretar Općinskog vijeća, **Telefon:** 032/732-502

**Štampa:** Grafički obrt „REMIX“ Visoko, **Telefon:** +387 32 746 038, **Mob:** +387 61 780 698